

Cum ⁽³⁾ JESU ⁽⁹⁰⁾ Omnia!

LECTORI PIO

S. P. D.

J. N. QVISTORPIUS, D.



Vi Scripturæ S. profunditates rimantur, in quovis Scri-
pturæ loco, & in quavis voce latitantem inveniunt thesaurum.
Verè Scriptura S. *thesaurus absconditus est in agro, quem repertum
homo abscondit, & pro gaudio quod habet super eo, abit, & omnia quæ-
cunque habet, vendit, ac mercatur agrum illum, inquit Salvator no-
ster Matth. XIII. v. 44.* Qui sterile judicat vel minimum Scripturæ vocabulum,
ille certè ignorat divini eloqvii abundantes divitias. *Ingenii pauperis, & cogno-
tione rerum Theologicarum destitutus est, sapientiam divinam vel in ullâ Scriptu-
ræ voce, nedum phrasi, desiderare.* Ita loquitur Hafniensis Theologus
celeberrimus D. MASILIUS, Affinis ac in Christo Frater N. Colendus, in præfat.
elegantiss. *Disputat: De Pallio Pauli.* Ab ignaris rerum Botanicarum sæpe
pedibus conculcantur herbæ, quæ capiti profunt, quasque sollicita manu
Medea colligeret, balnio longæ vitatis inferendas; & fieri facile potest, ut
Styli scripturæ imperiti sterilitatis accusent vocem, quæ fœcunda Doctrinæ
femina spargit non occultanda, sed ut incomparabile bonum communi-
canda. Utitur quidem Servator N. dulcissimus in loc. sup. cit. verbo *ἐκρυψε*
occultavit, abscondit sc. inventum, ac proinde ipsi detectum rursus ingesta
terra obtexit, ne quis ipsum re patefactâ anteverteret; minime autem
verbum *ἐκρυψε* significat, veritatem aut alia DEI dona esse aliis celanda,
ut iis soli in sinu fruamur, & pericula subterfugiamus, quod damnatur aper-
tis verbis in Talentorum parabolâ, & tum Zelo gloriæ DEI, tum charitati
in cœteros, perpetuis fidei veræ comitibus, ex diametro repugnat. Sed
declarat hoc unum Christus Doctor N. unicus, invento Evangelicæ gratiæ
thesauro, summo studio dandam operam, postpositis cœteris sine excepti-
one rebus, & vitatis omnibus, quæ nos obturbare, vel tanto bono priva-
re possunt, impedimentis, ut eò potiamur, ut rectè notat Beza ad h. l. Et
ut eleganter Grotius ad verba: *πάντα σοι ἔχει, πωλεί.* Significat nimirum
studium gloriæ, divitiarum, & voluptatis abjiciendum, & si pressura in-
gruat, omnia, etiam vitam, esse abdicandam, ut verbum salutare sit non
usu tantum temporario, sed jure mancipii nostrum, h. e. ut in ejus verbi
obe-

X₂

obe-